



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofvrti, 1684

48 Amon Manasses Filius. Symbolum.

urn:nbn:de:hbz:466:1-38349

Et exemplo corruptos, exemplo corrígam.
Hoc oravit Manasses, & Regno redditus votum explevit.
Atque ut diutiūs doleret, nemo diutiūs regnauit.

AMON MANASSIS FILIUS.

S Y M B O L U M .

O Spes fallaces!

Intempestivè concussi flores,
Intempestivè sepulti symbola sunt.
Amonem florentis ævi Principem,
Qui de æterno exemplo,
Inter vitia & virtutes ætatem divisurus,
Pœnitendi fiduciâ, pœnitenda commisit:
Templo Idola, latibulis stupra, Urbi funera,
Velut fœnori intermissa restituens,
Ut probè senesceret, improbè adolevit.
Sed heu claudicante spe velocior Mors,
Conjurato aulicorum ferro,
Vota cum vitâ succidit.
Itaque spe florens, non virtute;
Intet flores jacet, sed frugiperdas.
O Spes fallaces:

JOSIA AMONIS FILIUS.

E P I N I C I V M .

Io Triumphe.

Idolorum Eversor curuli feretto effetur.
Hic est ille Josia,
Quem supra trecentos annos Natura parturiit.
Jam tum enim fatidicâ voce præmonstratus.
Idolis operantem Jeroboamum solo nomine tremefecit.
Nondum natus, jam notus:
Vel natus ante Parentes.